

Riba invitacion di Chichi Peralta..

DURANTE FESTIVAL VIÑA DEL MAR NA CHILE, DEN AMBIENTE LO CUBRI E PRESENTACION DI CHICHI PERALTA Y SON FAMILIA..

Fotos/texto: Jan Poets.

DEN AMBIENTE

** Ayera DEN AMBIENTE a ricibi un yamada telefonico for di Miami, Florida, cu e grato noticia di Sr. Salvador Urdanavia, kende ta manager di Chichi Peralta y Son Familia.

Sr. Salvador Urdanavia a hasi un invitacion oficial na DEN AMBIENTE pa viahe hunto cu Chichi Peralta y Son Familia pa Santiago, Chile, na unda nan lo bay presenta durante e magno festival di Viña del Mar, cual festival ta ser concidera como esun mas importante pa cualkier artista of agrupacion musical Latino Americano.

Tabata durante e presencia di Chichi Peralta

aki na Aruba den luna di december ultimo, cu el a expresa su deseo pa DEN AMBIENTE realiza e viahe aki hunto cu nan pa Chile.

DEN AMBIENTE lo realiza e viahe aki diahuebs 11 di februari hunto cu nos orguyo musico internacional Hildward Croes kende tambe ta formando parti di Chichi Peralta y Son Familia.

Diasabra 13 di februari Chichi Peralta y Son Familia lo presenta riba e gigantesco escenario di e prestigioso Festival Viña del Mar.

Esaki ta e di tres invitacion cu DEN AMBI-



ENTE ta ricibi for di Chichi Peralta, kende ta un gran amigo personal di DEN AMBIENTE for di tempo cu DEN AMBIENTE tabata cubri varios di e giranan mundial di

Juan Luis Guerra y su 440, den cual Chichi Peralta y Hildward Croes tabata forma parti.

Chichi Peralta semper a expresa cu e ta admira e trabao di DEN AMBI-

ENTE y dia cu Juan Luis Guerra a despedi di 440 na Puerto Rico na unda DEN AMBIENTE tambe tabata presente, Chichi Peralta a declara na DEN AMBIENTE cu dia cu e lanta su propio banda musical, DEN AMBIENTE lo ta su fotografo, pasobra e ta aprecia masha e forma con DEN AMBIENTE ta cubri e eventonan.

For di dia cu Chichi Peralta a debuta cu su banda musical, DEN AMBIENTE a ser invita entre e miles di periodistanan Latino Americano pa su gran debut cual a tuma lugar den Jaragua Hotel & Casino Ballroom na Santo Domingo. Tambe DEN AMBIENTE a cubri un gira sumamente exitoso na Colombia, cual tabata na Baranquilla, Cartagena y Santa Martha.

Cu e invitacion aki extendende na DEN AMBIENTE pa cubri nan presentacion durante e magno Festival Viña del Mar na Chile, DEN AMBIENTE ta considera esaki como un logro y reconocimiento di un periodista internacional ARUBIANO.

Pues keda pendiente pa e prome evento internacional di aña 1999 cu DEN AMBIENTE ta bay cubri..

Durante e "Masha Danki Party" den Havana Beach Club..**ROOSJE VAN HOOP A DECLARA CU HOTEL PORTO PASEO Y HOTEL SERU CORAL A UNI..**

** Ayeranochi den e luhoso Havana Beach Club a tuma lugar e "Masha Danki Party" organiza pa Sra. Roosje van Hoop di Hotel Porto Paseo & Casino. Tambe tabata presente Sr. Peter Meijer kende ta director di Hotel Porto Paseo & Casino, Sr. Roderick Gouverneur di Hotel Seru Coral y e hulandes filatropro Sr. Jacob Gelt Dekker.

Meta di e "Masha Danki Party" aki tabata pa gradicir tur e agencianan di viahe di Aruba y tambe na nos medionan di comunicacion pa e exitoso relacion durante aña 1998. Por a mira un re-

fleho di alegria den cara di Sra. Roosje van Hoop, debi cu tur e representantenan di e agencianan di viahe y incluso esnan di aeroliñanan cu a ser invita, a hasi acto di presencia.

Durante e discurso di gradicimento cu Sra. Roosje van Hoop a hiba dilanti tur e invitadonan presente, el a declara cu awor Hotel Porto Paseo a haya un ruman den number di Hotel Seru Coral.

Tambe e hulandes filatropro Jacob Gelt Dekker a hiba algun palabra, den cual el a anuncia su proyecto di un

museo net banda di Hotel Porto Paseo & Casino, cual porcierto lo bay ta un di e

Hotel Porto Paseo & Casino ta e cas oficial di DEN AMBIENTE. Na e ocasion aki,



** Riba foto por aprecia Roosje van Hoop, Jacob Gelt Dekker, Peter Meijer y Roderick Gouverneur durante e "Masha Danki Party" cu a tuma lugar den Havana Beach Club..

museonan mas grandi den region caribeño. Mayan DIARIO lo ta mas amplio tocante e interesante museo aki cu un entrevista exclusivo cu Jacob Gelt Dekker.

Durante e "Masha Danki Party" aki, tambe DEN AMBIENTE a probecha di e ocasion aki pa gradicir Sra. Roosje van Hoop pa tur e bon cooperacion cu el a sa di brinda su persona durante aña 1998, ya cu na Corsow,

DEN AMBIENTE a sorprende Sra. Roosje van Hoop cu un bunita regalo di un potret cu semper Sra. Roosje a desea.

DEN AMBIENTE y staf y personal di DIARIO ta desea Sra. Roosje van Hoop tur clase di exito cu nan ruman nobo Hotel Seru Coral y tambe mas cu claro hopi exito na e cas oficial di nos Arubianonan cu ta Hotel Porto Paseo & Casino.



** Representantenan di nos aeroliñanan tambe tabata presente durante e exitoso "Masha Danki Party". Riba foto por aprecia Chicho Erasmus (Maduro & Sons), Nelson Croes (Air Aruba), Lissy Lampe (Air ALM), Juancho Wever (Air Aruba), Roosje van Hoop (Porto Paseo), Jacob Dekker (filatropro) y Peter Meijer (Hotel Porto Paseo)..